

Allannguutissatut siunnersuut

uunga

**Aningaasarsianit akileraarutit pillugit Inatsisartut inatsisaata
allanngortinneqarneranik Inatsisartut inatsisissaattut siunnersuut**

Aappassaaneerneqarnissaanut Naalakkersuisunit saqqummiussaq.

§ 1-imut

1. Nr. 2 –p ataani siunnersuutigineqartoq § 4 e -mi imm. 1-ip kingornanut nutaatut ilanngunneqassaaq:

"Imm. 2. Katissimalluni aappaqartoq aapparissaminillu inooqateqartoq ukiup isertitaqarfiusup naanerani § 20 naapertorlugu akileraarutaasussaangitsunik B-nik isertitaqarnissamut periarfissamik iluaquteqarsinnaasimangippat, iluaqutigineqanngitsortai aappaasup B-nik isertitaanit ilanngaattissatut nuunneqassapput. Taamaattorli akileraaruteqaataasussaangitsut nuutat aapparissap B-nik isertitaanut amigartooruteqaataasinnaangillat."

Nalinginnaasumik nassuiaatit

Soorlu ilaatigut inatsisissatut siunnersutip saqqummiunneqarnerani oqaatigineqartoq, aappariinnik ataatsimoortumik akileraarusiisarnerup atorunnaarnera, aappariit akiliutigisaat ataatsimut isigalugit, aningaasarsianit akileraarutininut aappariit annertunerusumik akiliinissaannik kinguneqassanngilaq. Taamaammat inummut ilanngaat, aalajangersimasumik ilanngaat aammalu akileraaruteqaataasussaangitsunik B-mik isertitat iluaqutigineqanngitsut aapparissamut nuunneqarsinnaanissaat periarfissinneqarpoq.

Siunnersuutip misissorneqarnerani ajuusaarnartumik malugineqarpoq, B-mik isertitat akileraarutaasussaangitsut iluaqutigineqanngitsut pillugit aalajangersagaq matuma qulaani pineqartoq teknikkikkut kukkunikkut inatsisissatut siunnersuummi peerneqartoorsimavoq.

Aalajangersakkanut ataasiakkaanut nassuiaatit

Aappariit inooqatigiissut akileraartarnermi atugarisaasa ajornerulersinnaanerat pinngitsoortinniarlugu siunnersuutigineqarpoq, ukiumi aningaasarsiorfiusumi pineqartumi aappariit arlaata B-mik isertitat akileraaruteqaataasussaangitsut tamakkiisumik iluaqutigisimangippagit, iluaqutigineqanngitsortai aappariinni aappaasup isertitaanit ilanngaatisanngorlugit nuunneqarsinnaassasut, aappaasup tamatumani pineqartup B-mik akileraaruteqaataasussaangitsunik isertitaasa akileraaruteqaataasussaangitsut amerlassusissaat sinnersimappatigit. Ilangaatissatulli nuunneqartut atorlugit B-mik isertitat amigartooruteqaataasinnaangillat.